



Fegl d'infurmaziun davart il basegn fundamental en cuminanzas d'abitar

1 Basas giuridicas e directivas

- art. 3 ed art. 10 da las disposiziuns executivas tar la lescha chantunala da sustegn (DEtLS; DG 546.270)
- cifra B.2.3, cifra B.2.4 e cifra B.4 da las directivas per la concepziun e per la calculaziun da l'agid social (directivas da la COSAS)

2 Situaziun da partenza

2.1 Chaussas generalas concernent las furmas d'abitar

L'autezza dal basegn fundamental è differenta tut tenor la furma d'abitar e la vegliadetgna. Las directivas da la COSAS differenzieschan tranter cuminanzas d'abitar e da vita sumegliantas ad ina famiglia (cifra B.2.3) e cuminanzas d'abitar d'interess (cifra B.2.4).

– Cuminanzas d'abitar e da vita sumegliantas ad ina famiglia

Sut la noziun cuminanzas d'abitar e da vita sumegliantas ad ina famiglia tutgan pèrs u gruppas che exequeschan e/u finanzieschan cuminaivlamain las funcziuns dal tegnairchasa (abitar, mangiar, lavar, nettegiar e.u.v.), pia che vivan ensemen senza furmar in'unitad da sustegn (p.ex. pèrs en concubinat, geniturs cun uffants maiorens).

Il basegn fundamental per ils custs da viver vegn fixà proporziunalmain en relaziun cun la grondezza totala da la chasada.

– Cuminanzas d'abitar d'interess

Sut la noziun cuminanzas d'abitar d'interess tutgan gruppas da persunas che abitan ensemen cun l'intent da tegnair bass ils custs da locaziun ed ils custs accessorics. Las funcziuns dal tegnairchasa (abitar, mangiar, lavar, nettegiar e.u.v.) vegnan exequidas e finanzadas per gronda part en moda separada.

Il basegn fundamental per ils custs da viver vegn fixà independentamain da la grondezza totala da la chasada. El vegn calculà tenor il dumber da persunas en l'unitad da sustegn. Il basegn fundamental correspudent vegn reducì per 10 pertschient.

Igl è difficil da far il cunfin tranter las duas furmas d'abitar ed i sto en mintga cas vegnir sa basà sin las relaziuns concretas. En cas da dubi sto la persuna sustegnida cumprovar ch'i sa tracta d'ina cuminanza d'abitar d'interess.

2.2 Regulaziun speziala per giuvenils e persunas giuunas creschidas

Per il basegn fundamental da giuvenils e da persunas giuunas creschidas fin al 25. onn da vegliadetgna vala l'art. 10 al. 2 DEtLS. Tenor quellas han giuvenils e persunas giuunas creschidas in dretg da sustegn independent, sch'ellas ed els èn maridads u sch'igl è insupportabel per ellas ed els d'abitar en la chasada dals geniturs. Per calcular il dretg da sustegn da giuvenils e da persunas giuunas creschidas cun in dretg da sustegn independent ston vegnir applitgads ils custs effectivs, maximalmain dentant las tariffas per ina chasada da duas persunas convertidas sin ina persuna singula.

Tenor la cifra B.4 da las directivas da la COSAS vegnan persunas giuunas creschidas che abitan en la chasada dals geniturs u en autras cuminanzas sumegliantas ad ina famiglia, sustegnidas tenor ils princips per cuminanzas d'abitar e da vita. Persunas giuunas creschidas che vivan en ina cuminanza d'abitar senza manar cuminaivlamain il tegnaichasa, vegnan sustegnidas tenor las tariffas per ina chasada da duas persunas convertidas sin ina persuna singula.

3 Recumandaziun

L'uffizi dal servetsch social chantunal ha elavurà la suandanta recumandaziun per garantir en il Grischun ina pratica uschè unitara sco pussaivel en connex cun dumandar e cun conceder il basegn fundamental per persunas che vivan en cuminanzas d'abitar e da vita sumegliantas ad ina famiglia respectivamain en cuminanzas d'abitar d'interess.

Basegn fundamental per persunas creschidas

	cuminanzas d'abitar e da vita sumegliantas ad ina famiglia (art. 3 DEtLS e cifra B.2.3 da las directivas da la COSAS)	cuminanza d'abitar d'interess (art. 3 DEtLS e cifra B.2.4 da las directivas da la COSAS)
chasada da 2 persunas	763 francs per persuna	897 francs per persuna
chasada da 3 persunas	618 francs per persuna	897 francs per persuna
chasada da 4 persunas	533 francs per persuna	897 francs per persuna
chasada da 5 persunas	483 francs per persuna	897 francs per persuna

Basegn fundamental per giuvenils e per persunas giuunas creschidas fin al 25. onn da vegliadetgna

	cuminanzas d'abitar e da vita sumegliantas ad ina famiglia (art. 3 DEtLS e cifra B.4 da las directivas da la COSAS)	cuminanza d'abitar d'interess (art. 10 al. 2 DEtLS e cifra B.4 da las directivas da la COSAS)
chasada da 2 persunas	763 francs per persuna	763 francs per persuna
chasada da 3 persunas	618 francs per persuna	763 francs per persuna
chasada da 4 persunas	533 francs per persuna	763 francs per persuna
chasada da 5 persunas	483 francs per persuna	763 francs per persuna

Istorgia da las versiuns dals documents

Manual	Data	Versiun	Motiv per la midada / remartga
Chapitel B	22 da favrer 2018	1.0	Emprima versiun
Chapitel B	3 d'october 2019	2.0	Revisiun dal chapitel 2 sco er layout/ adattaziun dal basegn fundamental per il 1-1-2020